



















周語辭勝事  
晉語事勝辭  
讀此文可見

文極醇正耀  
德不觀兵為  
主腦終篇反  
覆意不越此

先述先王耀  
德意作案  
行文微似周  
禮

叙四世或詳  
或略詞致錯  
落

祭公謀父諫征犬戎

穆王將征犬戎。祭公謀父諫曰：不可。先王耀德不觀  
 兵。夫兵戢而時動，動則威，觀則玩。玩則無震，是故周  
 文公旦之頌曰：載戢干戈，載櫜弓矢。我求懿德，肆于  
 時夏。允王保之。載櫜皆藏也。天下已定，藏其兵器，惟  
 求美德，陳其功。于是夏而歌之，信哉。

武王能保先王之于民也。茂正其德，而厚其性。阜其  
 財，求而利其器用。兵甲耒耜之屬。明利害之鄉，示之以好，以  
 惡鄉方也。以文修之，使務利而避害，懷德而畏威，故能保世以滋  
 大。昔我先世后稷，以服事虞夏。棄為舜后，稷不  
 窋繼之于夏。及夏之衰也，棄稷弗務。大康廢稷之  
 官，不復務農。我先王不窋，窋音竹，棄之子。



武王不得已而用兵不失為耀德今無故而觀兵犬戎則去武王之功遠矣

已前許多議論只用先王非務武也兩句截住照上耀德不觀兵看非務武即不觀兵之謂勤恤民隱即耀德之謂兩相

用失其官而自竄于戎翟之間堯封棄于郅至不

敢怠業時序其德纂修其緒修其訓典朝夕恪勤守

以惇篤奉以忠信奕世載德不忝前人至于武王昭

前之光明而加之以慈和事神保民莫不欣喜商王

帝辛大惡于民大為民所惡庶民弗忍欣戴武王以致戎

于商牧是先王非務武也勤恤民隱而除其害也夫

先王之制邦內甸服周制九服甸服在侯服外此曰邦內者商制并王畿為五祭公

蓋以古名言也周禮則以邦外侯服方五侯衛賓服

蠻服為要服亦足以相况邦外侯服百里侯衛賓服

總言之也侯甸男采衛凡五圻蠻夷要服衛圻之外王城三千五百里常以服貢賓于王曰蠻圻去四千里要者要結好信而服之去王城四戎翟荒服去王城四



祭應只倒一  
文法

韋昭謂日上  
食于祖考月  
祀曾高時享  
二祧歲貢壇  
壇于祭法略  
相表裏與周  
禮殊不合漢  
法曰祭于寢  
月祭于廟時  
祭于便殿亦  
類此竊恐歲  
貢不專指祭  
言觀下文終  
王可見  
排句轉生下  
錯落有致

為鎮圻五千里為藩圻在九州外甸服者祭侯服者  
荒裔之地與戎翟同俗故謂之荒甸服者祭侯服者  
祀賓服者享三歲一見采圻四歲一見甸圻二歲一見男圻一  
見其見也各以所貢供祭禮燕享之用如要服者貢  
犧牲絲枲尊彝玄纁之屬不在常貢之數要服者貢  
要服六歲一荒服者王九州外蕃國世一見各以其  
見因朝而貢荒服者王所貴珣為贊蓋夷鎮蕃三服  
無朝貢之歲惟朝嗣王日祭祭于祖考月祀祀于時  
及其即位一來見耳終王終謂世終也即上註先王之  
享享于歲貢壇壇終王  
訓也有不祭無貢以則修意責有不祀則修言  
不享則修文典助祭有不貢則修名尊卑職貢有不王則  
修德修文德以來之序成而有不至則修刑已上五者次序  
則明于是乎有刑不祭伐不祀征不享讓不貢告不  
刑



體排而勢逸

修文修名固

是耀德即伐

不祀征不享

畢竟增修于

德無勤民于

遠亦非觀兵

也文致錯綜

犬戎氏句應

上古健

白狼白鹿犬

戎所貢穆王

責犬戎以非

禮暴兵露師

傷威毀信故

荒服者不至

古今文統

卷二

王于是乎有刑罰之辟有攻伐之兵有征討之備有  
 威讓之令有文告之辭布令陳辭而又不至則又增  
 修於德無勤民于遠是以近無不聽遠無不服今自  
 大畢伯仕之終也犬戎氏以其職來王嗣子以貴天  
 子曰子必以不享征之且觀之兵其無乃廢先王之  
 訓而王幾頓乎危敗吾聞夫犬戎樹惇立性能帥舊德  
 而守終純固循舊德奉常職以終其身其有以禦我  
 矣王不聽遂征之得四白狼四白鹿以歸自是荒服  
 者不至

董份曰歷叙后稷以及武王載述邦制以及征戎



未以犬戎之效順寔之數陳曲至

矛  
瓚曰舉先王之制見不可伐有以禦我見不能  
伐皆極諫也

張以忠曰穆王之世王道衰缺縱勤思內治猶懼不  
克嗣守先王遺緒而顧廢棄祖訓遠事遐  
夷興無名之旅隳中國之威黷武無烈也  
甚矣祭公玩則無震之言豈非千古之明  
戒哉

又曰質古文艷氣渾辭醇弦匏之歌鐘鼎之文  
蓋古書之百軌而一存者也



日本書紀

卷二

三



厲王怒謗固  
非監謗尤非  
以生殺之權  
而寄之于鬼  
物之口則將  
何所不至哉

防川之論極  
切鄭子產不  
毀鄉校亦是  
此意  
簡典而腴暢

召公諫監謗

周語

厲王虐國人謗王。召公告王曰：民不堪命矣。

不堪暴虐之令

王怒，得衛巫，使監謗者。

衛巫，衛國之巫也。監察也。以衛巫有神靈，有謗必知之。

以

告，則殺之。國人莫敢言，道路以目。

以目，不敢發言，以目相盼。

王喜，告

召公曰：吾能弭

止

謗矣，乃不敢言。

召公曰：是障之也。

防民之口，甚于防川。

川不可防，而口尤甚。

壅而潰，傷人必多。

民亦如之，是故為川者決之，使導；為民者宣之，使言。

故天子聽政，使公卿至于列士獻詩。

獻詩，以風也。瞽，列士上士也。

獻典。

瞽，樂師典也。

史獻書。

外史也。

師箴。

少師也。刺王，闕以正得失。

瞽賦。

騶音藪。賦，公卿列士所獻詩。

騶，有眸子而無見曰騶。

百工。

百工，有眸子而無見曰騶。

百工。



可法三變

山川所以宣  
地氣而出財  
用口亦以宣  
人心而言善  
敗

與上國人莫  
敢言相照應

諫

工執藝  
事以諫

庶人傳語

卑賤不得自  
達傳以語王

近臣盡規

驂僕之  
屬盡其

規以

親戚補察

補過

瞽史教誨

太師太史掌陰陽  
禮法之書以教誨者

耆

艾修之

師傳修理瞽  
史之教以聞

而後王斟酌焉是以事行而不

悖民之有口也猶土之有山川也財用于是乎出猶

其有原隰衍沃也

廣平曰原下濕曰隰  
下平曰衍有漑曰沃

衣食于是乎

生口之宣言也善敗于是乎興行善而備敗所以阜

財用衣食者也夫民慮之于心而宣之于口成而

行之胡可壅也若壅其口其與能幾何

能幾何言  
不久也

王

弗聽于是國人莫敢出言三年乃流王于彘

晉地

穆文熙曰自古中材之主未有不怒謗者厲王秦政



乃其甚者耳可當以此書坐屏也

姚

寬曰天子聽政一段自是正理而首以川譬之

後以山川原隰衍沃譬之各極旨趣

張以忠曰言路通塞治忽攸關其理自是洞然何厲  
王監謗之事後世不鑒其害反多蹈其轍  
者







芮良夫諫專利 周語

利必有害不刊名論

天地所生財貨百物利源有限不在下即在上王一專焉民必有受其困者困民以自豐誰其堪之

古今文苑

卷二

芮良夫諫專利一

六

國語

厲王說榮夷公。芮良夫曰：「王室其將卑乎？夫榮公好專利而不知大難，夫利百物之所生也，天地之所載也。載成也，地受天而或專之，其害多矣。天地百物皆將取焉，胡可專也？」天地成百物民皆將取用之何可專其利所怒甚多而不備，大難以是教王。王能久乎？夫王者將導利而布之上下者也。導開也布敷也上謂天神下謂民物使其神人百物無不得其極也。極中猶日怵惕懼怨之來也。故頌曰：「思文后稷，克配彼天；立我烝民，莫非爾極。」頌周頌思文謂郊祀后稷以配天之樂歌經緯天地曰文言周公思有文德者后稷其功乃能配于天謂堯時洪水稷播百穀立我衆民之道



無不于女時得其

大雅曰陳錫載周

大雅文王之章陳布也錫賜

也言文王布賜施

是不布利而懼難乎

言后稷文王既布利又懼

利以載成周道

也故能載周以至今今王學專利其可乎匹夫專

利猶謂之盜王而行之其歸鮮矣榮公若用周必敗

既榮公爲卿士諸侯不享王流于彘

享獻也

穆文熙曰榮公好利蓋桑弘羊之流耳以利中厲王

之欲而求進其身者也

孫應鑒曰人臣欲得其君鮮有不以專利之術啓之

者

張以忠曰可爲人臣以利事君之戒



號文公諫不藉千畝

周語

上帝桑盛六  
句見大事在  
農以下正見  
其為大也

連用于是乎  
句詞畧意詳

叙事與古奇  
崛更覺井井

古人文苑

卷二

號文公諫不藉千畝一

七

國語

宣王即位不藉千畝藉借也借民力以為號文公諫

曰不可夫民之大事在農上帝之桑盛于是乎出民

之蕃庶于是乎生事之共給于是乎在和協輯睦于

是乎興財用蕃殖于是乎始敦龐純固于是乎成是

故稷為大官民之大事在農故古者大史順時視土

視音脉陽痺憤盈土氣震發痺音談厚也憤積也盈

農祥晨正農祥房星也晨正謂立春之日晨日月底

于天廟底至也天廟營室也孟土乃脉發脉理也農

冒擷陳根可先時九日大史告稷曰自今至于初吉

拔耕者急發



初吉二月朔日也

陽氣俱烝土膏其動

其動烝升也土潤也

弗

震弗渝脉其滿青穀乃不殖

渝變也青災也言陽氣動變寫其氣不然則脉滿氣結更為災病穀乃不殖

動變寫其氣不然則脉滿氣結更為災病穀乃不殖

稷以告王曰史帥陽官以

命我司事曰距今九日土其俱動王其祗祓監農不

易

祗敬也祓齊戒祓除也

王乃使司徒咸戒公卿百

吏庶民司空除壇于藉命農大夫咸戒農用先時五

日瞽告有協風至

瞽樂太師知風聲者協和也風至氣和時候至也立春曰融風

王

即齊宮百官御事各即其齊三日

御治也

王乃淳濯饗

醴

淳沃也濯漑也饗飲也謂王沐浴飲酒醴

及期鬱人薦鬯

鬱鬱金香草宜以和鬯酒

也犧人薦醴

犧人司尊也

王裸鬯饗醴乃行

裸灌也灌鬯飲醴皆所以



句法變化

忽出是日也  
大有文致

自香  
百吏庶民畢從及藉。后稷監之。也。監察。膳夫農正

陳藉禮。大史贊王。王敬從之。王耕一墾。墾音鉢。一墾一幫之墾。

也。王無耦。班三之一。班次也。三之下各三。其上也。王。庶

以一幫耕。人終于千畝。耕終盡也。其后稷省功。大史監之。司徒省民。

大師監之。畢宰夫陳饗。膳宰監之。膳夫贊王。王歆大

牢。歆饗也。班嘗之。庶人終食。是日也。瞽帥音官。以省風

土。音官。樂官也。風上以音律。廩于藉東南鍾而藏之。

廩御廩東南長生之處。鍾聚也。謂。而時布之于農。賦布。

為廩以藏王所藉田以奉粢盛。稷則編戒百姓。紀農協功。紀猶綜理也。協同也。曰陰陽分布

震雷出滯。陰陽分日夜同。土不備。墾辟在司。寇乃命



其旅曰狗

狗行也

農師一之

農師上士一之先往也

農正再之

農正

后稷之佐田峻也故次農師

后稷三之

后稷農官之君故次農正

司空四之

司空

主道路溝洫故次后稷

司徒五之

司徒省民故次司空

大保六之

大師七

之太保太師天子三公佐王論道

大史八之

太史掌逆官府

之治故

宗伯九之

次太師

宗伯九之

宗伯卿官掌相王之太禮若

大狗

夫親行農也

王則

大狗

夫親行農也

耨穫亦如之

耕時也

民用莫不

震動

恪恭于農

器用謂田

修其疆畔

日服其耨

耨音團又音博

界也

不解于時

財用不乏

民用和同

是時也

王事惟農是務無有求利于官以干農功

求利謂變易役使于

亂農功

三時務農而一時講武故征則有威守則有財

藉田如此闕  
係先王經制  
其可廢乎



若○是○乃○能○媚○于○神○而○和○于○民○矣○則○享○祀○時○至○而○布○施○  
優○裕○也○優○饒○也○裕○緩○也○今○天○子○欲○修○先○王○之○緒○而○棄○其○大○功○  
匱○神○之○祀○而○困○民○之○財○匱○神○之○祀○不○耕○藉○也○困○民○之○財○取○于○民○也○將○何○以○  
求○福○用○民○王○弗○聽○

茅

坤曰歷叙藉田之制精析詳明而章法最古

張以忠曰周自厲王之流藉田禮廢宣王卽位不復

知遵古制矣不知民事實國家根本王政  
首務况周自后稷以來世以農事開國者  
乎中興賢主廼不克行先王之制惜矣哉  
又曰通篇只說農事之大而藉田不可廢意自



見



內史過論晉君臣

韋昭所謂探  
測禍福祭起  
幽微章表善  
惡昭然甚明  
者讀是篇而  
知之  
引三書有深  
意夏書見不  
可不敬王而  
卑其上湯誓  
見不可虐處  
者而陵其民  
盤庚見不可  
廣心遠鄰而  
施其所惡故  
總之曰長衆  
使民不可不  
慎也皆暗含

襄王使召公過。及內史過。賜晉惠公命。呂甥卻芮相。晉侯不敬。晉侯執玉卑。拜不稽首。禮執天子器則上衡內史過歸以告王曰。晉不亡。其君必無後。且呂卻將不免。王曰。何故。對曰。夏書有之曰。衆非元后。何戴。后非衆罔與。守邦在湯誓曰。余一人有辜。無以萬夫。萬夫有辜。在余一人。在盤庚曰。國之臧。則維女衆。國之不臧。則維余一人。是有逸罰。如是。則長衆使民。不可不慎也。民之所急。在于大事。祀典先王知大事之必以衆濟也。故祓除其心。以和惠民。考中度衷。以涖之。考省已之中



訊刺為一篇  
文字之綱

精采絢爛一  
節深于一節

大概議論至  
此入以晉侯

復起議論而  
與先王之敬

天勤民創制

立法者以訊

晉侯之虐民

慢上詞嚴意

愷

以度人昭明物則以訓之制義庶孚以行之當制立  
 之中心昭明物則以訓之制義庶孚以行之事宜為  
 衆所被除其心精也考中度衷忠也忠恕昭明物則  
 信也制義庶孚信也然則長衆使民之道非精不和  
 禮也制義庶孚信也然則長衆使民之道非精不和  
 非忠不立非禮不順非信不行今晉侯即位而背外  
 內之賂虐其處者弃其信也殺里不不敬王命弃其  
 禮也施其所惡弃其忠也以惡實心弃其精也四者  
 皆弃則遠不至而近不和矣將何以守國古者先王  
 既有天下又崇立上帝明神而敬事之于是朝日夕  
 月以教民事君天子以春分朝諸侯春秋受職于王  
 以臨其民大夫士日恪位箸以儆其官中庭之左曰  
 位門庭之間



辭氣嚴重有  
盛朝君臣論  
設氣緊

再起議論復  
入晉侯

專舉執王一  
事見晉君臣  
之皆失  
必速及亦必

曰庶人工商各守其業以供其上猶恐有墮失也故  
箸為車服旗章以旌之車服旗章上下有等所為摯幣  
瑞節以鎮之摯贊同幣筐篚玄黃之類瑞五瑞節六  
以行為之節也虎節人節龍節旌節符節管節皆  
鎮重也為班節貴賤以列之為令聞嘉譽以聲之  
猶有散遷解慢而著在刑辟流在裔土于是有蠻夷  
之國有斧鉞刀墨之民而况可以淫縱其身乎夫晉  
侯非嗣也而得其位疊疊怵惕保任戒懼猶曰未也  
若將廣其心而遠其鄰陵其民而卑其上將何以固  
守夫執玉卑替其摯也拜不稽首誣其王也替贊無  
鎮誣王無民夫天事恒象任事享大者必速及故晉



及預知得禍  
有急緩之異

侯誣王人亦將誣之欲替其鎮人亦將替之大臣享其祿弗諫而阿之亦必及焉襄王三年而立晉侯八

年而殞于韓十六年而晉人殺懷公無胄秦人殺子

金子公

子金呂甥字  
子公卻芮字

張以忠曰高華嚴毅典則雍容而丰神筆力復崢嶸

俊邁是左氏極卓鍊之文

又曰論最醇正直是見理確然非機祥小數之

學



富辰諫以翟女為后

周語

內傳止女德  
無極婦怨無  
終二語殊峻  
潔

指陳洞悉

王○降○翟○師○以○伐○鄭○王○德○翟○人○將○以○其○女○為○后○富○辰○諫○  
 曰○不○可○夫○婚○姻○禍○福○之○階○也○利○內○則○福○繇○之○利○外○則○  
 取○禍○今○王○外○利○矣○于翟其○無○乃○階○禍○乎○昔○摯○疇○之○國○  
 也○繇○大○任○摯疇二國任姓奚仲仲虺之後大任杞繪  
 繇○大○妣○杞繪二國妣姓夏禹之後大妣齊許申呂繇  
 大○姜○四國皆姜姓四岳之後大姜之陳繇大姬陳嬀  
 後○大○姬○同○武○王○是皆能內利親親者也昔鄆之亡也  
 之○女○成○王○之○姊○是皆能內利親親者也昔鄆之亡也  
 繇○仲○任○鄆妣姓之國仲任氏之女密須繇伯姑  
 之○女○密○為○鄆夫人為鄭武公所滅密須  
 文○王○所○滅○鄆繇叔妣為鄆夫人亦鄭武公滅之



七德

由鄭姬

聃姬姓文王之子聃季之國鄭姬鄭息繇陳女為聃夫人同姓相取賣姓所以亡

媽

息姬姓國陳媽陳女為息夫人因蔡侯之怨楚子滅息以息媽歸

鄧繇楚曼

鄧曼姓楚

曼鄧女為楚武王夫人生文王過鄧而利其國遂滅鄧而兼之

羅繇季姬

羅熊姓國季姬姬氏

女為羅夫人

盧繇荆媽

盧媽姓國荆媽盧女為荆夫人荆楚也

是皆外利離

親者也。王曰：利何如而內何如而外對曰：尊貴明賢。

庸勳長老

明顯也庸用也長老尚齒也

愛親禮新親舊

親六親也新新來過

賓也舊君之故舊也

然則民莫不審固其心力以役上令官不

易方而財不匱竭求無不至動無不濟百姓兆民

官有世功受氏姓也

夫人奉令而歸諸上是利之內也若七德

離判民乃携貳各以利退上求不暨

暨至也

是其外利



精彩華腴  
炙人口

懇切若此何  
不悟也

也。夫翟無列于王室。列位鄭伯南也。南服之王而卑  
之。是不尊貴也。翟豺狼之德也。鄭未失周典。王而蔑  
之。是不明賢也。蔑小平桓莊惠皆受鄭勞。王而棄之。  
是不庸勲也。自平王以來鄭世有功故曰皆受鄭勞鄭伯捷之齒長矣。  
王而弱之。是不長老也。翟隗姓也。鄭出自宣王。王而  
虐之。是不愛親也。鄭桓公友宣王之弟夫禮新不間  
舊。王以狄女間姜。任非禮且棄舊也。姜氏任氏之女  
以翟女代之王一舉而棄七德。臣故曰利外矣。書有  
之曰。必有忍也。若能有濟也。王不忍小忿而棄鄭。又  
登叔隗以階翟。階翟翟封豕豺狼也不可厭也。封大



富辰若以衛王而死則得死所若以免懟而死則過矣

足也

王弗聽十八年王黜翟后

黜廢也翟后既立而翟

人來誅殺譚伯

誅責也翟人奉子帶以攻富辰曰昔王而殺譚伯譚伯周大夫

富辰曰昔

吾驟諫王王弗從以及此難我若不出王其以我爲

懟乎乃以其屬死之

帥其徒屬以死翟難

茅

坤曰富辰始言鄭不可伐繼言翟女不可爲后

俱是持正之論

張以忠曰陳禍福之由明外利之故援引最確辯論

最切若此忠懇而卒不悟何與



襄王拒晉文請隧

周語

此篇結構最  
綿密篇法辭  
命音節俱佳

叙先王無所  
利于天下之  
心明白痛快

晉文公既定襄王于郟。郟洛邑王城之地也王勞之以地。賞以陽樊

溫原攢辭請隧焉。隧王之葬禮掘地通路曰隧周禮天子郊外有六隧掌供貢賦王

弗許曰昔我先王之有天下也規方千里以為甸服

規規畫以供上帝山川百神之祀以備百姓兆民之

用以待不庭不虞之患其餘以均分公侯伯子男使

各有寧宇以順及天地無逢其災害。順天地尊卑之義若相侵犯則

有災先王豈有賴焉。言無所利內官不過九御。九嬪外官不

過九品。九卿足以供給神祇而已豈敢厭縱其耳目心

腹以亂百度亦唯是死生之服物采章。采章采色文章也死之服



此段言已非所愛

引王樞輅之民

以臨長百姓而輕重布之

貴賤各

王何

異之有

帝王皆然

今天降禍災于周室余一人

僅亦守府

守先王之府藏

又不佞

以勤叔父

天子謂同姓

而班先王之

大物以賞私德

大物也

其叔父

實應且憎

以非

余一人

此後辭氣凜

栗只改玉改

行一句令他

心折

以下雖強落

悍宗聞之亦

應胆落

言曰改玉改行

有節服其服則行其禮

以言晉侯尚

在臣位不宜有隧也

叔父若能光裕大德更姓改物以創制天

下自顯庸也而縮取備物

屬以鎮撫

百姓余一人其

流辟于裔土何辭之與有

言將放辟荒裔

若由是姬

姓也尚將列為公侯以復先王之職大物其未可改



到末兩句  
尤嚴毅鄭重

冷語刺心

也。叔父其茂昭明德。物將自至。余敢以私勞變前之  
大章。以忝天下。其若先王與百姓何。言無以奉先  
政令之爲也。何以復臨民若不然。叔父有地而隧焉。  
余安能知之。不敢文公遂不敢請受地而還。

真德秀曰。晉文定襄王。自以爲不世之大功。其請隧

也。蓋淺寢乎窺大物之漸。王目之曰私德。

曰私勞。所以折其驕矜。不遜之意。玩其詞。

氣若優游而實峻烈。真可爲告諭諸侯之

法。

穆文熙曰。不許晉隧。甚得體。但更姓改物以下語。毋



亦太甚乎王待有功諸侯恐亦不宜爲此語也

張以忠曰晉文方定王以成霸豈遂萌不臣之念其請隧也蓋亦將假寵于王以侈示諸侯耳但王章所在漸不可長襄王嚴辭拒之宗周其尚有綱紀哉



太子晉諫壅川 周語

靈王三十二年穀洛鬪將毀王宮。

穀洛二水名鬪者兩水格有似于鬪

洛在王城之南穀在王城之北東入于瀍至靈王時

穀水盛出于王城之西而南流合于洛水毀王城西

南將及王宮王欲壅之 欲壅防穀水太子晉諫曰不

故齊人城陝可晉聞古之長民者不墮山 墮毀也不崇藪 崇高也澤無水曰藪

整鍊

不防川 防障也不竇澤 竇決也澤居水也不為夫山

流曰川土之聚也藪物之歸也川氣之導也澤水之鍾也夫

復總上聚歸導鍾數句鍊而遞下天地成而聚于高歸物于下 聚聚物也高山疏為川

谷以導其氣 疏通也陂塘汚痺以鍾其美 美謂滋潤是故聚

不地崩而物有所歸 地音至大氣不沈滯而亦不

日崩小曰地



已上統論其  
理下則詳舉  
共工伯鯀之  
所以廢見壅  
川之失又舉  
伯禹四岳之  
所以興見順  
水性不防川  
之得議論反  
覆明爽

散越

沈伏也滯積也越遠也

是以民生有財用而死有所葬

有物

所歸故生有財用山

然則無夭昏札瘥之憂而無饑

寒乏匱之患

短折曰夭狂惑曰昏疫死曰札瘥病也

故上下能相固以

待不虞古之聖王惟此之慎

慎逆天性

昔共工棄此道

也虞于湛樂淫失其身欲壅防百川墮高堙痺以害

天下皇天弗福庶民弗助禍亂竝興共工用滅其在

有虞有崇伯鯀播其淫心稱遂共工之過

播放也稱舉也舉遂

共工之過者

堯用殛之于羽山其後伯禹念前之非

度

謂鄣洪水

釐改制量

釐理也象物天地比類

百則

類亦儀也

儀之于民

儀準也

而度之于羣生

象也

象也

象也

象也

象也

象也

象也



共之從孫。四岳佐之。

共之從孫為四岳之官。掌帥諸侯助禹治水。

高高下

下疏川導滯。

高高封崇九山也。下下陂障九澤也。疏川決江疏河也。導滯鑿龍門闢伊闕也。

鍾水豐物。

鍾水豐物。

鍾聚水潦以豐殖百物。

封崇九山。

山不墮也。

決汨九川。

汨通

也。陂障九澤。

障防也。

豐殖九藪。

豐茂也。殖長也。

汨越九原。

越揚也。

宅居九隩。

隩內也。九州之內皆可宅居。

合通四海。

使之同軌。

故天無伏

陰。

伏陰夏有霜電。

地無散陽。

散陽李梅冬實。

水無沈氣。

沈伏也。無火。

火

無災燁。

燁音詔。天日災人曰火。焱起貌。

神無間行。

間行姦神屬民無。

淫心。

淫心。

陰陽調財用足。故無淫蕩之心。

時無逆數。

逆數四時易。

物無害生。

蝗螟之屬不害嘉穀。

帥象禹之功。度之于軌儀。

帥循也。軌道也。儀法也。

莫

非嘉績。克厭帝心。

謂禹與四岳也。厭合也。帝天也。

皇天嘉之。

胙以天



下

胙祿也

賜姓曰姁氏曰有夏謂其能以嘉祉殷富生

物也

姁猶祉也夏大也能以善福殷富天下生育萬物為大也

胙四岳國命為侯

伯賜姓曰姜

姜四岳之先炎帝之姓也炎帝世衰其後變易至四岳有德帝復賜之祖姓使

紹炎帝

氏曰有呂

以國為氏

謂其能為禹股肱心膂以養

物豐民人也

呂之為言膂也四岳能輔成禹功比于股肱心膂

此一王四伯

豈繫多寵皆亡王之後

伯謂禹四岳

唯能釐舉嘉義以

有胤在下守祀不替其典

下後也

有夏雖衰祀鄩猶

在

祀鄩二

申呂雖衰齊許猶在

申呂四岳之後商周之世或封于申齊許

其族

唯有嘉功以命姓受祀迄于天下

受祀謂封國受命祀社稷

得失三見

山川也迄至也至于有天下謂禹也祀或謂氏

及其失之也必有悖淫之心

以下文勢最  
廻翔最跌宕



柳州非國語  
謂穀洛將毀  
王宮則王罪  
大矣奚以守  
先王之國壅  
之誠是也不  
知小患止可  
疏導不可壅  
過且商時河  
水屢決然自  
成湯以降無  
壅之者而顧  
目太子之諫  
為小子之譏  
也抑過矣

間之。心代其嘉功謂若桀也故亡其氏姓。蹠弊不  
振。蹠音割絕後無主。堙替隸圉。堙沒也音廢也隸夫  
亡者豈緊無寵。皆黃炎之後也。唯不帥天地之度。不  
順四時之序。不度民神之義。不儀生物之則。儀準也以  
殄滅無胤。至于今不祀。及其得之也。必有忠信之心。  
間之。以忠信度于天地。而順于時動。順四時之龢和  
于民神。而儀于物。則故高朗令終。顯融昭明。命姓受  
氏。而附之以令名。若啓先王之遺訓。省其典圖。刑法  
而觀其廢興者。皆可知也。其興者必有夏呂之功焉。  
其廢者必有共鯀之敗焉。今吾執政無乃實有所避。



言顯示災異  
欲王知儆懼

避違

而滑夫二川之神

滑亂也

使至于爭明以妨王宮

明精氣也

王而飾之毋乃不可乎

王慎中曰麗詞諛采反覆諄至

張以忠曰靈王不修姬德而徒事壅川實出下策太

子晉推原興廢肫切愷至設也天祚宗周

而勿蚤世凌夷其稍振乎



單襄公言陳必亡 周語

先叙事起爲下單子議論

之綱下面辨駁方有來歷

此一章法也

分四段看下

逐段分應之

民事不治正以築臺夏氏

之故

定王使單襄公聘于宋。遂假道于陳。以聘于楚。火朝。

覲矣。覲音迪。火道。弗不可行也。弗音拂。草候不

在疆。候人掌司空不視塗。司空掌澤不陂。障川不梁。

渠梁野有庾積。露場功未畢。道無列樹。古者列樹表道。

墾田若藝。藝即藝字。言不膳宰不致餼。膳夫掌賓客

餼司里不授館。里宰掌國無寄寓。旅縣無施舍。賓客

處民將築臺于夏氏。徵舒及陳。陳靈公與孔寧儀行

父南冠以如夏氏。留賓弗見。單子歸告王曰。陳侯不

有大咎。國必亡。王曰。何故。對曰。夫辰角見而雨畢。辰



只一段中亦許多議論許多質証豐贍流利文之富者

句法鮮整可愛

此段言其不修理橋梁道路而以廢先王之教罪之

大辰蒼龍之角角星名也朝見東方建戌天根見而  
之初寒露節也雨畢殺氣日盛雨氣盡也  
水涸謂寒露後五日木見而草木節解謂寒露後十日  
日駟見而隕霜謂建戌之中火見而清風戒寒火  
星也謂霜降後清風先至所以戒人為寒備也故先王之教月令曰雨畢而  
除道水涸而成梁草木節解而備藏隕霜而冬裘具  
清風至而修城郭宮室故夏令曰九月除道十月成  
梁其時儆告民曰收而場功使修侍而畚揭侍音治畚揭音本局  
○侍具也畚盛土器揭昇土器營室之中土功其始定謂之營室謂建亥小雪之中  
定星昏正于午火之初見期于司里致其築作之具  
土功可以始也  
此先王之所以不用財賄而廣施德于天下者也今



此段言其妨  
民時而以棄  
先王之法制  
罪之

此段言其不  
知待賓客而

陳國火朝覲矣。而道路若塞。野場若棄。澤不陂障。川

無舟梁。是廢先王之教也。周制有之。曰列樹以表道。

立鄙食以守路。鄙四鄙十里有廬廬有飲食國有郊牧。放牧之地置有

寓望。寄寓之舍藪有圃草。澤無水曰藪圃大也必園

有林池。林積木池積水所以禦災也。其餘無非穀土。民無縣

耗。言常野無奧草。皆墾不奪民時。不蔑民功。有優無

匱。有逸無罷。國有班事。執事縣有序民。執事今陳國

道路不可知。田在草間。不墾功成而不收。民罷于逸

樂。自奉是棄先王之法。制者也。周之秩官。周常官有

之。曰敵國賓至。相待關尹以告。司關行理以節逆之。



以後先王之官罪之

理吏小行人也

候人為導

迎

卿出郊勞

君使卿朝服

門尹除

門掃除

宗祝執祀

實有事于廟則宗伯

司里授館

客

司徒具徒

修道路

司空視塗

視險

司寇詰姦

防剽虞

人入材

掌山澤者

甸人積薪

掌薪蒸者

火師監燎

照庭

水師監

濯

盥

膳宰致餐

熟食

廩人獻餼

生日餼

司馬陳芻

養馬

故陳芻圉人

工人展車

展省

百官各以物至賓人如

歸是故小大莫不懷愛其貴國之賓至則以班加一

等益虔至于王使則皆官政泣事上卿監之若王巡

守則君親監之今雖朝也不才有分族于周承王命

以為過賓于陳而司事莫至是蔑先王之官也先王

到此文字更覺做板奇巖



此段言其瀆  
姓簡彛而以  
犯先王之令  
罪之

已上凡四大  
段到此又總  
括之更見章  
法

之令有之文武曰天道賞善而罰淫故凡我造國無  
從非彛無卽怕淫各守爾典以承天休今陳侯不念  
胤續之常棄其伉儷妃嬪而帥其卿佐以淫于夏氏  
不亦竇姓矣乎夏亦陳我大姬之後也武王之女虞  
之祖棄袞冕而南冠以出不亦簡彛乎是又犯先王  
之令也昔先王之教茂帥其德也猶恐隕越若廢其  
教而棄其制蔑其官而犯其令將何以守國居大國  
之間晉而無此四者教制其能久乎六年單子如楚  
八年陳侯殺于夏氏九年楚子入陳  
歸有光曰只瀆姓簡彛一端便足亡國况重之以廢



其教棄其制而蔑其官乎夫內作色荒夏  
禹且重爲戒顧乃外行淫于夏氏又謂之  
何

董份曰陳國滅亡之故一披如畫

張以忠曰開闔關鍵處處精嚴而辭尤奇麗工鍊



單穆公諫鑄大錢

周語

景王二十一年將鑄大錢

錢者金幣之名所以買買物通財用也古曰泉後轉

按此持議劃然而語更嚴重可見先王未嘗與民爭利而輕重惟時則鑄錢之權未始不操于上後世人主利析秋毫以求國用之足不幾下同商賈乎單穆公之言深可鑒也

曰單穆公曰不可古者天災降戾

謂水旱螟蝗之類

利而輕重惟時則鑄錢之權未始不操于上後世人主利析秋毫以求國用之足不幾下同商賈乎單穆公之言深可鑒也

于是乎量資幣權輕重以振挾民

權稱也振拯也

利而輕重惟時則鑄錢之權未始不操于上後世人主利析秋毫以求國用之足不幾下同商賈乎單穆公之言深可鑒也

民患輕則爲之作重幣以行之

民患幣輕而物貴則作重幣以行其輕

利而輕重惟時則鑄錢之權未始不操于上後世人主利析秋毫以求國用之足不幾下同商賈乎單穆公之言深可鑒也

于是乎有母權子而行民皆得焉

重曰母輕曰子以子買物物輕則子

利而輕重惟時則鑄錢之權未始不操于上後世人主利析秋毫以求國用之足不幾下同商賈乎單穆公之言深可鑒也

獨行物重則以母權而行

若不堪重則多作輕而行

利而輕重惟時則鑄錢之權未始不操于上後世人主利析秋毫以求國用之足不幾下同商賈乎單穆公之言深可鑒也

之亦不廢重于是乎有子權母而行小大利之

堪任也

利而輕重惟時則鑄錢之權未始不操于上後世人主利析秋毫以求國用之足不幾下同商賈乎單穆公之言深可鑒也

任之者幣重物輕妨其用也故作輕幣雜而用之以

利而輕重惟時則鑄錢之權未始不操于上後世人主利析秋毫以求國用之足不幾下同商賈乎單穆公之言深可鑒也

重者買其貴以輕者買其賤子權母者母不足則以



無匱乎

廢輕而作重則本竭而末寡故民失其資

若匱王用將有所乏

民財

匱無以供上故王用將乏也

乏則將厚取于民

厚取厚歛也

民不給將

有遠志是離民也

給共也遠志通逃也

且夫備有未至而設之

通篇似引故實而案斷森然

備國備也未至而設之謂預備不虞安不忘危

有至而後救之

至而後救之謂若救火療

疾量資幣平輕重之屬

是不相入也

二者先後各有宜不相為用也

可先

而不備謂之怠可後而先之謂之召災

謂民未患輕而重之離民

匱財是謂召災

周固羸國也天未厭禍焉而又離民以佐災

民之與處數句文極頓挫

無乃不可乎將民之與處而離之將災是備禦而召之則何以經國國無經則何以出令令之不從上之

患也故聖王樹德于民以除之夏書有之曰關石飭



韋氏註云關門闢之征也石今之斛也言征賦調均則王之府藏常有也

文彩流麗兼右古韻

川原之喻最是

均王府則有

夏書五子之歌其四章也關通也蘇和同平也均作鈞百二十斤為石三十斤

為鈞言關通和平以一天下之輕重而立

民信者王府則亦有之韋氏解與今書異詩亦有之

曰○瞻○彼○早○麓○榛○桔○濟○濟○

詩大雅早麓之首章也早山名山足曰麓榛似栗而小桔

木名濟濟盛貌盛者

愷○悌○君○子○干○祿○愷○悌○

愷樂也悌易也干求

言王者之德被及也

也君子謂君長也言陰陽調草

夫○早○麓○之○榛○桔○植○故○

君○子○得○以○易○樂○干○祿○焉○若○夫○山○林○匱○竭○林○麓○散○亡○藪○

澤○肆○既○

肆及也

民○力○彫○盡○田○疇○荒○蕪○資○用○乏○匱○

彫傷也穀

地為田麻

君○子○將○險○哀○之○不○暇○而○何○易○樂○之○有○焉○

險危

地為疇

且○絕○民○用○以○實○王○府○

謂廢小錢歛而鑄大錢也

猶○塞○川○原○而○為○

潢○汙○也○

大曰潢小曰汙

其○竭○也○無○日○矣○若○民○離○而○財○匱○災○至○



至此愈覺愷

而○備○亡○王○其○若○之○何○吾○周○官○之○于○災○備○也○其○所○怠○棄○者○多○矣○而○又○奪○之○資○以○益○其○災○是○去○其○藏○而○翳○其○人○也○  
善政藏于民王其圖之王弗聽卒鑄大錢

穆文熙曰穆公論妨民之財語極切當

張以忠曰錢貨以通有無周初原有定制無可變更

况又必妨民用者乎單公陳詞懇惻利害

較然真可謂經國鴻議



里革斷罟匡居

魯語

里革之正諫

宣公之聽言

師存之啓沃

叙述流動

月今季冬始

魚乃嘗魚先

薦寢廟唐云

孟春誤矣

夏稿奇

宣公夏濫于泗淵清罟于泗水以取魚里革斷其罟而棄之曰

古者大寒降季冬大寒之後土蟄發孟春蟄蟲始震水虞澤之禁令

者于是乎講罟罾罟罾音孤罾也罟罾音孤罾也罟罾音孤罾也取名魚大魚登

川禽鼈屬而嘗之寢廟行諸國人先薦寢廟故助宣

氣也助宣陽氣鳥獸孕水蟲成春時獸虞掌鳥獸之于是乎

禁且羅且音羅且音羅猶魚鼈以為夏稿猶音昔不得

取故于此時魚鼈以為夏儲助生阜也阜長也鳥獸方孕故鳥

獸成水蟲孕夏時水虞于是乎禁且麗麗音鹿且音鹿當

也設筭鄂鄂作格所以誤獸也以實廟庖畜功用也以獸實宗廟庖厨而



此又因取魚而推言古人對時育物之意

長魚鼈畜四時且夫山不槎葉槎音茶。槎研澤不

伐天草木未成曰天魚禁鯢鯢鯢音而。鯢魚未成者獸長麇麇麇麇

音霓。祔。鹿子。麇子。曰麇。鳥翼。穀卵。穀音寇。生哺。蟲舍。蜺。蜺。

子蜺。蜺。音池。綠。皆。可。食。蕃庶物也古之訓也今魚方別

孕別于雄。而懷子。不教魚長又行網罟食無藝極也。公間之

曰吾過而里革匡我不亦善乎是良罟也為我得法

使有司藏之藏所斷。之罟。使吾無念音審。告也。言見此。

言也。師存侍曰藏罟不如寘里革于側之不忘也

真德秀曰按漢成帝不葺折檻是亦藏罟之意然忠

言不用此復奚為

師存一言猶有成周工箴  
瞽諫氣象  
不忘與無忘  
自相喚應洞  
乎如空谷之  
傳聲

別孕奇



吳 寬曰公聞言而藏器是知過而改固賢師存又

諷其寘里革于側則益以成其君之善矣  
吾不意樂師而亦有此啓沃也豈下里革  
哉

張以忠曰惟有知過而改之君故里革敢諫而師存  
敢諷耳容言納諫自古鮮稱然則宣公其  
賢矣哉



古今文系

卷二

三



魯展禽論祀爰居

魯語

海鳥曰爰居止于魯東門之外二日臧文仲使國人

臧文仲為政而祀爰居見

祭之展禽曰越哉臧孫之為政也越迂也言其迂夫

不務民義而

祀國之大節也節制也而節政之所成也言節所成政故慎

失体故首提

制祀以為國典典法也今無故而加典非政之宜也益加

政字醒之

也謂以祭鳥夫聖王之制祀也法施于民則祀之五謂

益國法也

帝殷契以死勤事則祀之殷冥水死周以勞定國則

祀之周文也虞幕夏杼殷上甲棄山死是也能禦大災則祀之夏禹能扞

說祀典章法

五段五變段

大患則祀之殷湯周非是族也不在祀典族類也昔烈

段莊偉高華

山氏之有天下也烈山氏炎帝之號也起于其子曰

歷叙古帝王

賢相之為政

烈山祭法以烈山為厲山



而興不出終民義

文法變換處如層波疊障

句法參差仍自古雅

柱能植百穀百蔬柱為后稷自夏已夏之興也周棄

繼之故祀以為稷夏之興謂禹也棄能繼共工氏之

伯九有也共工氏伯者在義其子曰后土能平九土

其子共工之裔子句龍也佐黃帝為上官九故祀以

為社后土之神也黃帝能成命百物以明民共財黃帝少

子帝軒轅也顓頊能修之顓頊黃帝之孫昌意之子帝

帝嚳能序三辰以固民固安也帝嚳黃帝之曾孫玄

三辰日月星也謂能次序三辰堯能單均刑法以儀

民堯帝嚳之庶子陶唐氏放勳舜勤民事而野死舜

項之後六世有虞帝重華也野鯀鄣洪水而殛死鯀

死謂征有苗死于蒼梧之野



歷叙古帝王  
之祀典皆祀  
其有功于民  
見祀以報功  
也

也。鯀顓頊之後，禹之父也。堯使治水，鄣防百川，績用不成。堯用舜之于羽山，禹為天子而郊之，取其勤事

而禹能以德修鯀之功。所因故曰修鯀之功也。契

為司徒而民輯。契，殷之祖，為堯司徒，能敬敷五教，輯和也。冥勤其官而水

死。冥，契後六世孫，根圉之子也。為湯以寬治民而除

其邪。湯，冥後九世主，癸之子，為夏諸侯，以稷勤百穀

而山死。稷，周棄也，勤播百穀死。文王以文昭。文王，演

文德，周語曰：武王去民之穢。穢，謂故有虞氏，禘黃帝

而祖顓頊，郊堯而宗舜。有虞氏舜後，在夏殷為二王

謂此上四者，謂祭天以配食也。祭昊天于圓丘曰禘

祭五帝于明堂曰祖宗，祭上帝于南郊曰郊。有虞氏  
出自黃帝，顓頊之後，故禘黃帝而祖顓頊，項舜受禪于  
堯，故郊堯禮祭法有虞氏郊，嚳而宗堯與此異者，舜



在時則宗堯舜崩而夏氏后禘黃帝而祖顓頊郊鯀

子孫宗舜故郊堯耳虞夏俱黃帝顓頊之後也故禘祖之禮同商

而宗禹虞以上上德夏以下親親故夏郊鯀也

人禘舜而祖契郊冥而宗湯舜當為魯字之誤也禮

父商之先故禘之周人禘魯而郊稷魯稷之父稷祖

商人宜郊契也亦此與孝經異者商家祖契周公初時

文王而宗武王先王之業有伐紂定天下之功其廟不可以毀故

王之業有伐紂定天下之功其廟不可以毀故幕能

帥顓頊者也有虞氏報焉幕舜之後虞思也為夏諸

祖也報報杼能帥禹者也夏后氏報焉杼禹後七世

德之祭也杼能帥禹者也夏后氏報焉杼禹後七世

杼也能與上甲微能帥契者也商人報焉上甲微契

夏道者與上甲微能帥契者也商人報焉上甲微契

之先高圉大王能帥稷者也周人報焉高圉后稷後

一之先高圉大王能帥稷者也周人報焉高圉后稷後

文法又變換



結前祀典考

子也大王高國之凡禘郊宗祖報此五者國之典祀

曾孫古公亶父也也典法加之也以山川社稷之神皆有功烈于民者也

及前哲令德之人所以為民質也質信也以其有德于民而祭之所以

遞用所以字

波瀾層折

信之于及天之三辰民所以瞻仰也及地之五行所

以生殖也殖長也五行五反九州名川山澤所以出

財用也謂九州之中非是不在祀典今海鳥至已不

知而祀之以為國典難以為仁且知矣夫仁者講功

照土法施于民五句精醒

講論也仁者心而處名知者處物無功而祀之非仁

也言鳥不知而不問非知也今茲海其有災乎夫廣

川之鳥獸恆知而避其災也是歲也海多大風冬燠



煥音煖。爰居之所避也。

文仲聞柳下季之言。

柳下展禽之邑季字也。

曰信

吾過也。季子之言不可不法也。使書以爲三策。

策簡書也。

三策三卿卿一通謂司馬司徒司空也。

王世貞曰臧文仲聞展禽之言知其賢而不能用故

孔子譏其竊位又以下展禽爲不仁之一

者以此

穆文熙曰文仲始而祭爰居誠爲不知及聞季子之

言遂書爲三策紀之人孰無過過而能知

知而能改則亦無害其爲知矣

張以忠由此篇歷援祀典叙述甚詳至爰居之不當











敬姜論勞逸

魯語

勞之一字乃

敬姜立論本

意又把淫字

作對後面許

多議論只一

勞字括盡末

即以不淫二

字作結

人情好逸惡

勞敬姜乃獨

為此語至引

聖王處民沃

土瘠土勞逸

善惡足為垂

世經典

言天子諸侯

大夫士庶人

皆習勤勞如

公父文伯退朝

退音

朝其母其母方績文伯曰以歎

之家而主猶績

歎音觸

懼于季孫之怒也

康子位尊又大宗

其

以歎為不能事主乎其母歎曰魯其亡乎使僮子備

官而未之聞耶居吾語女昔聖王之處民也擇瘠土

而處之勞其民而用之故長王天下夫民勞則思思

則善心生逸則淫淫則忘善忘善則惡心生沃土之

民不材淫也瘠土之民莫不嚮義勞也是故天子大

采朝日與三公九卿祖識地德

禮天子以春分朝日示有尊也大采袞織

也祖習也識知也地德所以廣生天子

日中考政與

與公卿因朝日以脩陽政而習地德



此

古今文系

卷二

三

篇中凡曰日

中曰日入曰

朝曰書曰夕

曰夜形容勞

字曲盡

凡四箇而後

即安字不整

齊中却整齊

百官之政事。師尹惟旅牧相。宣序民事。少采夕月。與

太史司載。糾虔天刑。禮夕月以秋分朝日以五采則夕月其三采矣故云少采載天

文也司載謂馮相氏保章氏與太史相儷偶也糾其也虔敬也刑法也此因夕月而共敬觀天法考行度

以知妖日入。監九御。使潔奉禘郊之粢盛。監視也九御九嬪之

官主粢盛而後。即安。諸侯朝。脩天子之業。命晝考其

國職。夕省其典。刑夜儆百工。使無惰淫。惰音而後。即

安。卿大夫朝。考其職。晝講其庶政。夕序其業。夜庀其

家事。庀音而後。即安。士朝而受業。受事晝而講貫。習

夕而習復。覆夜而計過。無憾而後。即安。此昔先公自後私之義

庶人以下。明而動。晦而休。無日以怠。王后親織玄統。



此下又舉王后夫人及士妻之勞正以明已之績不為過

此以男女君子小人總承前意復將勞字提醒叮嚀之意可謂切至

述仲尼之言乃是摘取篇中所論淫字

公侯之夫人。加之以紃纁。統紃纁皆冠之飾卿之內子為大帶。內子卿之嫡妻大帶緇帶命婦成祭服。命婦大夫之妻祭服玄衣纁裳列士之妻加之以朝服。天子之士皮弁素積諸侯之士玄端委貌自庶士以下皆衣其夫社而賦事。春分祭社藝農桑烝而獻功。冬而烝獻五穀布帛之功男女效績。愆則有辟。古之制也。君子勞心。小人勞力。先王之訓也。自上以下。誰敢淫心。舍力。今我寡也。爾又在下位。夫下大朝夕處事。猶恐忘先人之業。况有怠惰。其何以避辟。吾冀而朝夕脩我。曰必無廢先人。爾今日胡不自安。以是承君之官。余懼穆伯之絕祀也。仲尼聞之。曰弟子志之。季氏之婦不淫矣。



來與他且亦  
文家机軸

歸有光曰勤婦之職嚴子之教守古之訓光先之德  
聖人以不淫贊之亦道其實也

穆文熙曰典雅莊鍊

張以忠曰篇中勞逸數語淵識名言



此篇前後輝映開合俱妙

疊文法有駿足馳坂急水下灘之勢

昔者大任以下正申明有善將善而賢良贊之二句意

文公傳謹

文公問于胥臣曰。吾欲使陽處父傳謹也。

文公于襄公也而

教誨之。其能善之乎。對曰。是在謹也。遽篠

人偃不可使

俛戚施。

人偻

不可使仰。僬僥

尺長三

不可使舉。侏儒

人短不可

可使援矇眊。不可使視。

矇有眸子而無見曰矇

瞽瞍不可

使言。

口不道忠信之言曰瞽瞍不能言者

聾瞶不可使聽。

耳不別五聲之和為聾。生

而聾

僇昏不可使謀。

僇無知昏闇亂

質將善而賢良贊之。則

濟可矣也。若有違質

性邪

教將不入。其何善之為。言不

之

臣聞昔者大任娠文王不變。

娠有身也不變動也

少濇于

豕牢。

豕牢少濇小便也

而得文王。不加痛焉。

言生之易

文王在



在母不憂在  
傳弗勤是頂

母不憂

在母娠時體不變故不憂

在傳弗勤處師弗煩事王不怒

將善也于是  
乎用四方之

奉事王季

敬友二號

號仲

而惠慈二蔡

管叔初亦刑為蔡故云

賢良卒能寧

百神而和萬

民是賢良贊

之則濟可埃

也故曰文王

非專教誨之

力

于大妣

刑法也大妣文王妃

比于諸弟

親同宗

詩云刑于寡妻

至于兄弟以御于家邦于是乎用四方之賢良

以自輔也

及其即位也詢于八虞

即伯達等八士

而咨于二號度于閤

天而謀于南宮

適

諏于蔡原而妨于莘尹

蔡公原公莘甲尹侯

皆周重之以周召畢榮

公四

億寧百神而柔和萬民故

詩曰惠于宗公神罔時恫

惠順宗公大臣恫慟也文王為政咨于大臣順而行

之故故鬼神

是則文王非專教誨之力也

言也公曰

然則教無益乎對曰胡為文益其質

言有美質加故以文采乃善



大意只是言  
體質可裁用  
者則以供雜  
役不可裁用  
者則以實荒  
裔然其文法  
顛倒錯綜長  
短間雜有不  
齊之齊不整  
之整妙甚  
末一語雋永  
如沙盡而金  
出

人生而學非學不入

不入于道

公曰奈夫八疾何

遽篠至

者對曰官師之所材也

裁用

戚施直鏹

王擊鍾

遽篠蒙璆

不能俛故

侏儒扶盧

緣矛戟之戲

矇瞍修聲

聽專故

聾

使審樂

瞽司火

親審故

僮昏嚚瘡僂

官師所不材也

以實

裔土

無用之人

夫教者因體能質而利之者也

若川

然有原以卬浦而後大

能才也

因其身體有質可成

言

川有原因開而迎之以浦然後大也

穆文熙曰若如胥臣此言則教可廢乎或亦陽處父

非可傳人者乎舉疲病之質以槩善良非

所以訓矣



張以忠曰人生而學非學不入曷嘗謂教誨可廢乎  
愚謂胥臣此論最純正無疵



史蘇論驪姬敗國

晉語

獻公伐驪戎克之滅驪子

驪子驪戎之君

獲驪姬以歸立以

為夫人生奚齊其娣生卓子

女子同生謂后生曰娣

驪姬請使

申生處曲沃以速縣重耳處蒲城夷吾處屈奚齊處

絳

晉時都絳也

以傲無辱之故

言出此三子為鎮于外以傲備于戎翟無恥辱于國

公許之史蘇朝告大夫曰二三大夫其戒之乎亂本

生矣日君以驪姬為夫人民之疾心固皆至矣

日昔日也

疾疾其君也至深也

昔者之伐也起百姓以為百姓也

昔者謂古明王

也為百姓為百姓除害也

是以民能欣之

欣欣也

故莫不盡忠極勞

以致死今君起百姓以自封也

封厚也

民外不得其利

太子及二公子居外而一孽子居內奪嫡之謀已成



名言

好其色必授  
之情一句曲  
盡人主待諛  
妾嬖子之情

不得攻而內惡其貪則上下既有判矣判離也然而又

生男其天道也民彊其毒民疾其態其亂生哉吾聞

君子好好而惡惡樂樂而安安是以能有常好者好之惡者

惡之樂則說之安則居之故能有常以言獻公好惡安樂皆非其所也伐木不自其本

必復生塞水不自其源必復流滅禍不自其基必復

亂基始也今君滅其父而畜其子禍之基也畜其子又

從其欲子思報父之恥而信其欲信古申字雖好色必惡

心不可謂好好義也好其色必授之情情謂許立其子彼得其

情以厚其欲厚益也從其惡心必敗國且深亂亂必自

女戎深亂亂深也女戎女兵也三代皆然驪姬果作難殺太子而



逐二公子。

二公子謂重耳奔翟夷吾奔梁

君子曰知難本矣。

知難本謂史蘇

茅

坤曰古今禍本多繇于此覆轍在前而不鑒最

足深慨

張以忠曰當獻公卜伐驪戎時史蘇已占其勝而不吉蓋兆固先告矣顧乃不設遠慮而畜女戎又蹈其術中而不覺卒至亂迄數世嗚呼後之人其可以鑒矣



古今文系

卷二

三



范文子論戰

平語

鄢陵之役。晉伐鄭。荆救之。欒武子將上軍。范文子將

下軍。

上下中軍之上下也。傳曰：欒書將中軍。

欒武子

可謂至言通  
篇意不越此

欲戰。范文子不欲。曰：吾聞之。唯厚德者能受多福。無

德而服者。衆必自傷也。

不義而強其弊必速

稱晉之德。諸侯皆

叛。國可以少安。

稱量也。量晉之德。宜諸侯皆叛。不唯復征伐還自整脩。則國可以少安。

有諸侯。故擾擾焉。凡諸侯難之本也。且唯聖人能無

外患。又無內憂。距非聖人。不有外患。必有內憂。盍姑

釋荆與鄭。以爲外患乎。諸臣之內相與。必將輯睦。

不復

征伐無所爭也。今我戰。又勝荆與鄭。吾君將伐。知而多力。

功

語入精細禍  
机灼然



料事如鏡

詞秀而腴

武子之言似  
忠但不審禍  
机終屬匹夫

也將自伐其知自多其功也怠教而重歛大其私暱而益婦人田謂增其祿也婦人愛妾也大不奪諸大夫田則焉取以

益此諸臣之委室而徒退者將與幾人也幾人言必

多戰若不勝則晉國之福也戰若勝亂地之秩者也也秩常也其產將害大盍姑無戰乎產生也言其

臣也欒武子曰昔韓之役惠公不復舍韓之役秦邲之

役三軍不振旅楚敗晉師于邲師敗衆箕之役先軫

不復命晉人敗翟于箕先軫晉國固有大恥三今我

任晉國之政不損晉恥又以違蠻夷以重之違違雖

有後患非吾所知也不能慮遠范文子曰擇福莫若重擇



不相聽即止  
內憂

所謂委室而  
徒退者

鄢陵之勝功

由卻氏故樂

書忌嫉之而

計滅其宗又

懼禍及已而

遂與中行偃

弑厲公于匠

麗氏

末掉一語關

照德字章法

甚緊

禍莫若輕。福無所用。輕。禍無所用。重。晉國固有大恥。與其君臣不相聽。以為諸侯笑也。盍姑以違蠻夷為恥乎。欒武子不聽。遂與荆人戰于鄢陵。大勝之。鄢陵鄭地於是乎君伐。知而多力。怠教而重斂。大其私。瞞殺三卻而尸諸朝。三卻鉤犇至也。尸陳也。產將害大是也。於是乎國人弗蠲。蠲潔也。不潔公所為。遂弑諸翼。翼故晉都匠麗氏也。厲公侈多外嬖。反自鄢陵。葬之翼東門之外。以車一乘。欲盡去羣大夫而立其左右。欲以胥童夷羊午長魚蟜為卿。故殺三卻長魚蟜。又以兵劫欒武子。中行偃將殺之。公不忍而復其位。魯成十七年冬。厲公游于匠麗氏。樂書中行偃執公。十八年正月。使程滑殺公。葬之以車一乘。厲公之所以死者。唯無德而功烈多服者。乘不成喪。



衆也

烈業也服者衆謂魯成十二年會于瑣澤敗狄于交剛十三年敗秦于麻隧十五年盟于戚會

吳于鍾離十六年敗楚于鄢陵會于柯陵伐鄭十七年同盟于柯陵

李東陽曰樂書不從范文子之言釀成弑君之禍則

書之罪殆不容誅矣

張以忠曰迹知內難必作絲髮不爽文子固蚤見哉

蓋亦滿損謙益之道自如是耳至危言深

慮足以聳動樂書而卒違其言以兆禍宜

再世而隕厥宗哉



叔向賀宣子憂貧

晉語

韓宣子身爲上卿不修德而貧是憂豈保世之主哉叔向之規不惟破其俗見且足動其懼心叔向言貧之可以安則誠然其言樂書之德則悖而不信以下逆上亦可謂行刑耶

叔向見韓宣子。宣子憂貧。叔向賀之。宣子曰：「吾有卿之名，而無其實，無以從二三子。吾是以憂。」子賀我，何故？對曰：「昔欒武子無一卒之田，士大夫一卒之田，欒書爲晉上卿而反不及其官，不備其宗器。宗宗官器祭器宣其德行，順其憲則，使越于諸侯。越發聞也諸侯親之，戎狄懷之，以正晉國，行刑不疚，以免于難。及桓子驕泰奢侈，貪欲無藝，藝極也，桓子欒書之子略則行志。略犯也，則法也假貸居賄，居畜也宜及于難。而賴武之德，以沒其身。及懷子改桓之行，而修武之德，懷子桓子也可以免于難。而離桓之罪，以亡于楚。亡奔



也夫郤昭子

昭子郤至也

其富半宮室其家半三軍恃其

富寵以泰于國其身尸于朝其宗滅于絳不然夫八

郤五大夫三卿

三卿郤錡郤至郤犇又有五人爲大夫

其寵大矣一朝

可謂後人侈泰之戒

而滅莫之哀也唯無德也今吾子有樂武子之貧吾

以爲能其德矣是以賀

賀憂貧非賀其貧也賀其貧而能立德也

若不憂

德之不建而患貨之不足將弔不暇何賀之有宣子

拜稽首焉曰起也將亡賴子存之非起也敢專承之

專獨也承受也

其自桓叔以下嘉吾子之賜

茅坤曰桓子宜及于難而賴武以沒其身見有儉

德者猶能善後也懷子可以免難而懼桓

轉入愈足醒動真忠告之論



以十見無德者後雖改行猶罹其殃也又  
深言郤氏以明之後又摠括一篇之意可  
見慶弔無門惟人自召

張以忠曰大足藥石宜子







叙事簡當尤  
精切有味

此段叙簡子  
先世憂患所  
以成德讀之  
令人有儆省  
處  
疊用德字莊  
而不板

前面數箇師  
保字摠以明  
委土可以為  
師保之意

郵無正論壘培

晉語

趙簡子使尹鐸為晉陽。曰：必墮其壘培。

壘荀寅士吉射聞趙氏所

作壘壁也壘壘曰培

吾將往焉。若見壘培，是見寅與吉射也。尹

鐸往而增之。簡子如晉陽，見壘怒，曰：必殺鐸也。而後

入。大夫辭之。

為之請

不可。曰：是昭余讐也。郵無正進曰：

昔先主文子少釁于難。

文子簡子之祖趙武也釁猶離也難謂莊姬之纔趙氏見

討從姬氏于公宮，有孝德，以出在公族。

為公族大夫

有恭

德，以升在位。

為卿

有武德，以差為正卿。

差進也

有溫德，以

成其名譽，失趙氏之典刑，而去其師保。

在公宮故

基

于其身，以克復其所。

基始也始更修之于身以能復其先業

及景子

趙成



此段言簡子  
安樂所以懼  
患及尹鐸增  
學之意文極  
奇警

至言格論

說字應怒字  
賞字應殺字  
閑合最妙亦  
見簡子能從

長于公官。未及教訓而嗣立矣。亦能纂修其身以受  
先業。無謗于國。順德以學子。學音效擇言以教子。擇  
師保以相子。今吾子嗣位。有文之典。刑有景之教訓。  
重之以師保。加之以父兄。子皆疏之。以及此難。夫尹  
鐸曰。思樂而喜。思難而懼。人之道也。委土可以為師。  
保吾何為不增。言見壘培可以戒懼是以修之。庶曰  
可以鑑。而鳩趙宗乎。鑑鏡也若罰之。是罰善也。罰善  
必賞惡。臣何望焉。簡子說曰。微子吾幾不為人矣。以  
免難之賞。賞尹鐸。免難之賞軍賞也言見戒初伯樂

有怨

伯樂無正字

以其賞如伯樂氏

如之

曰子免



德怨銷報復  
而散朋黨

吾死敢不歸祿

祿所得  
賞也

辭曰吾為主圖非爲子也怨

自若焉

穆文熙曰無正引喻詳明構語精深足以警動簡子  
然簡子賞鐸鐸歸祿無正無正不有其功  
均之爲善行矣

張以忠曰簡子欲毀壘培而鐸反增之是何等識力  
真保障哉若無正不修私怨而惟急主圖  
心事磊落光明品尤卓絕







伍舉論章華之臺 楚語

此因靈王之稱一美遂以美字極言之反正論疏意目互發先以美字翻明  
氣蕩漾  
此段舉楚先王之為臺雖不點出美字而美自見  
韓諍臣論內數問事本此  
倒喚有虛致

靈王為章華之臺與伍舉升焉曰臺美夫對曰臣聞  
國君服寵以為美服寵以賢安民以為樂民為樂聽  
德以為聰聰用德致遠以為明能致遠人不聞其以土木之  
崇高形鏤為美形謂丹楹鏤謂刻桷而以金石匏竹之昌大囂  
庶為樂不聞其以觀大視侈淫色以為明而以察清  
濁為聰也先君莊王為匏居之臺高不過望國氛大  
不過容宴豆材不妨守備城郭守備之材用不煩官府財用  
藏民不廢時務官不易朝常問誰宴焉則宋公鄭伯  
問誰相禮則華元駟騂問誰贊事則陳侯蔡侯許男



錯綜用數焉

此段言靈王之臺不得為

美蓋直批其

鱗者

始作臺以耗

財臺成而請

諸侯與登之

不來則懼之

以威放情肆

志靡所止極

不亡何待

此段又詳其

所以為美申

明前意

頓子其大夫侍之

各侍其君

先君是以除亂克敵而無惡

于諸侯今君為此臺也國民罷焉財用盡焉年穀敗

焉百官煩焉舉國留之數年乃成願得諸侯與始升

焉諸侯皆距無有至者而後使大宰啓疆請于魯侯

懼之以蜀之役而僅得以來使富都那豎贊焉

富盛容也

都閑也那美也豎未冠而使長鬣之士相焉臣不知

其美也夫美也者上下外內小大遠邇皆無害焉故

曰美若于目觀則美

目觀則美德則否也

縮于財用則匱是聚

民利以自封而瘠民也胡美之為夫君國者將民之

與處民實瘠矣君安得肥且夫私欲弘侈則德義鮮



少○德○義○不○行○則○邇○者○騷○離○而○遠○者○距○違○天○子○之○貴○也○

唯○其○以○公○侯○為○官○正○而○以○伯○子○男○為○師○旅○其○有○美○名○也○唯○其○施○令○德○于○遠○近○而○小○大○安○之○也○若○歛○民○利○以○

成○其○私○欲○使○民○蒿○焉○忘○其○安○樂○而○有○遠○心○蒿○耗○也○遠○心○畔○離○也○

其○為○惡○也○甚○矣○安○用○目○觀○故○先○王○之○為○臺○榭○也○稍○土○

無○室○榭○不○過○講○軍○實○習○戎○臺○不○過○望○氛○祥○凶○氣○為○氛○吉○氣○為○祥○

故○榭○度○于○大○卒○之○居○大○卒○王○士○卒○也○度○其○臺○度○于○臨○

觀○之○高○足○以○臨○下○其○所○不○奪○穡○地○其○為○不○匱○財○用○其○

事○不○煩○官○業○其○日○不○廢○時○務○瘠○磽○之○地○于○是○乎○為○之○

取○不○害○穀○城○守○之○本○于○是○乎○用○之○取○其○官○寮○之○暇○于○是○乎○

此又舉先王之為臺榭典

上楚先君一

段照看

此段文法凡

屢轉屢變先

用故字一轉

次用數其字

再轉又次用

數之字三轉

引詩為証亦

有數箇之字



何等湊巧何等天然

仍用一美字收煞幾倍精神

臨之不廢

四時之隙于是乎成之

不妨

故周詩曰經

始靈臺經之營之庶民攻之不日成之經始勿亟庶

民子來夫為臺榭將以教民利也

望氛祥而避災害講軍實而禦寇亂

皆所以不知其以匱之也若君謂此臺美而為之正

利民者以為得楚其殆矣

汪道昆曰靈王以臺為美而伍舉以修德為美議論

翻覆開道百端可謂因事納忠者矣

張以忠曰高華古雋文氣未嘗散緩先正以為似兩

漢後文字恐未然



白公子張驟諫靈王 楚語

靈王虐白公子張驟諫王患之謂史老曰吾欲已子

張之諫若何史老子止也對曰用之實難已之易矣若

諫君則曰余左執鬼中右執殤宮中身也禮曰其中退然天死曰殤殤

靈王即懷諫史老下不宜以此愚之鬼中殤宮是何

身知其居處若今世云能使殤也凡百箴諫吾盡

言與

聞之矣寧聞他言白公又諫王如史老之言對曰昔

殷武丁能聳其德至于神明武丁高宗也聳敬也至通也通于神明謂夢見

傳以入于河遷于河內自河徂亳從河內往亳都于是乎三年默

以思道默諒闇也思道思君人之道也書卿士患之

此段叙武丁納諫之所以興

患其不言曰王言以出令也若不言是無所稟令也令命也稟



雖說命語  
另是一種奇  
巖數使字點  
綴尤佳

氣沛如决川  
相字發明同  
丁求善無已  
之心甚艱而  
木至武丁者

受武丁于是作書曰以余正四方余恐德之不類茲  
故不言類善也如是而又使以象夢求四方之賢聖  
思賢而夢見之識其容得傳說以來升以為公公上  
狀故作其象而使求之得傳說以來升以為公公上  
書序曰高宗夢得說使百工而使朝夕規諫曰若金  
二求諸野得之傳嚴作說命而使磨礪若津水用女作舟津水若天旱用  
用女作礪已也若津水用女作舟津水若天旱用  
女作霖雨天旱自比苗稼也啓乃心沃朕心啓開也  
之心比若藥不瞑眩厥疾不瘳以藥喻忠言也若武丁  
霖雨也霖雨也若藥不瞑眩厥疾不瘳以藥喻忠言也若武丁  
也若跣不視地厥足用傷以失道比徒跣而若武丁  
之神明也其聖之叡廣也其知之不疾也猶自謂未  
又治故三年默以思道既得道猶不敢專制使以



當何如惜  
靈王之不悟

也

說靈王身上  
去

此段叙齊桓  
晉文之納諫

之所以興

又說到靈王  
身上去

象旁求聖人既得以爲輔又恐其荒失遺忘故使朝  
夕規誨箴諫曰必交修余無余棄也今君或者未及  
武丁而惡規諫者不亦難乎難以齊桓晉文皆非嗣  
也非嫡還軫諸侯不敢淫逸還軫謂心類德音以得  
有國類善近臣諫遠臣謗輿人誦以自誥也輿衆也  
敗也誥是以其入也四封不備一同備滿也地方而  
告也誥至于有畿田方千里以屬諸侯屬會至于今爲令君  
桓文皆然君不度優于二令君而欲自逸也無乃不  
可乎周詩有之曰弗躬弗親庶民弗信言爲政不躬  
不信臣懼民之不信君也故不敢不言不然何急其以



拒諫若此安得不敗

語奇而雋

言取臯也

臯古罪字

王病之曰子復語

病不能然故復使語

不穀雖

不能用吾憖寘之于耳

憖猶願也寘置也

對曰賴君之用也

故言也

賴恃

不然巴浦之犀犛兕象其可盡乎其又以

規為瑱也

犛犛牛也規諫也瑱所以塞耳也言四獸之牙角可以為瑱難盡而又以規諫為之

乎今象出徼外其三獸則荆交有焉巴浦地名或曰巴巴郡浦合浦

遂趨而退歸杜門

不出七月乃有乾谿之亂靈王死之

乾谿楚東地也

董份曰援古証今諄諄懇篤真可為諫臣法靈王

于子革之隱諷悟而不能自克于子張之

理論昏而不能悟宜其有乾蹊之辱也

張以忠曰靈王弑君篡國居非其位縱從諫如流猶



懼不免况甚之以凌暴又復諫乎一國棄  
之如遺跡固其所矣



卷三

四十六



止論不可移  
易

與四臣照千  
里意同

王孫圉對趙簡子

楚語

王孫圉聘于晉。定公饗之。趙簡子鳴玉以相。

鳴玉佩以相禮

問于王孫圉曰。楚之白珩猶在乎。

珩佩上之橫者

對曰。然。簡

子曰。其為寶也幾何矣。

幾何世也

曰。未嘗為寶。楚之所寶。

者曰。觀射父能作訓辭。以行事于諸侯。

言以訓辭交結諸侯

使

無以寡君為口實。

毀弄也

又有左史倚相。能道訓典。以

叙百物。

叙次物事

以朝夕獻善敗于寡君。使寡君無忘先

王之業。又能上下說于鬼神。順道其欲惡。

說媚也

使神

無有怨痛于楚國。

痛疾也

又有數曰。雲連徒洲。金木竹

箭之所生也。

楚有雲夢藪澤也。連屬也。水中可居曰洲。徒其名也。箭草名。可為箭。

龜珠



齒角皮革羽毛所以備賦川以戒不虞者也

龜以十吉凶珠

以禦火災角以為弓弩齒象齒所以為弭皮虎豹皮也以為齒韃革犀兕也所以為甲冑羽鳥羽所以為

旌毛旄牛尾所以注所以共幣帛以賓享于諸侯者

也若諸侯之好幣具而導之以訓辭有不虞之備而

皇神相之能媚于神故皇神寡君其可以免罪于諸

議論暢達足以服人而文法轉折極妙是一篇極有結構文字

侯而國民保焉此楚國之寶也若夫白珩先王之玩

也何寶焉玩弄之物非國之寶圉聞國之寶六而已聖能制議

百物以輔相國家則寶之玉足以庇廕嘉穀使無水

旱之災則寶之玉祭祀龜足以憲臧否則寶之取善惡之

法珠足以禦火災則寶之珠水精故金足以禦兵亂

南國之人乃有此鴻論趙孟安得不媿



則寶之。金所以為兵也。山林藪澤足以備財用則寶之。若夫

譁囂之美

譁囂猶譁譁謂若鳴玉以相

楚雖蠻夷不能寶也。

唐順之曰末段發揮暢盡

張以忠曰是時楚當喪亂之後又釀禍于白公使果

能報善何以及此王孫圉之對不過夸敵

國耳然持論正大自足折服簡子











